

De lütje Kneip

VAN HINNI TRAUERNICHT UT SPETZ

Nu hett dat de Kneip´ German in Westerenn ok togeven. Nüms is de Weertsman Johann Rieken dorum düll. Mehr als 50 Jahr hett he as Weertsman arbeit – dat mutt hum ersd en namaken. He kunn heel lecker koken – besünners Rouladen. Man schaa is dat. Mennig Vereen harr hier sien Tohuus. Van de Gesangvereenen „Frohsinn Westerende“ und Chor ut

Bangsted` over de Boßlers un de Footballers. Un mennig Grön, Sülvern of Golden un ok Diamanten Hochtied wur`n hier fiert. Ok in de anner Kuntraien rund um Auerk sünd de Kneipen in den ledsde Jahr`n minner worden. So as in Marcardsmoor, de Schützenhof giff dat nich mehr. Söll`n woll neije Huusen baut worden. Of in Müggenkrug, heel nich wiet weg van Marcardsmoor. Un de „Grüne Jäger“ in Wiesdermeer – dor stunn ik annerlesdens

vör`n dichten Dör. Well will sück dat noch andohn? Un ok in Holtrop in Gemeinde Grootfehn giff dat de Kneip un Saal van de Wall nich mehr – heel`n mooien Saal, wor ok elke Jahr de Jägers ut heel Auerker Kreis tohoop kwemen. Ok de Fiererwehren van Fehn harr`n hier elke Jahr hör Haupt-



HINRICH
TRAUERNICHT

versammeln. Allens vörbi. Ok vör de Festen van de AWO, vööl Jöhr`n hett Theo Onken olle Lü um Holtrop inladen. De Saal was alltied vull. Wenn en Kneip dicht maakt, geiht ok en Stück Dörpleven verloren. Jungedi, wat gung dat d`r hen un her bilangs! Nich blot Klatsch un Tratsch, de lüttje un

grode Politik wer`n Themen an de Tresen. Man dor giff nu ok goode Nachrichten: B´Moler in Reepsholt of in Nenndörp – Bi Willi. Dor hebbt wer lütje Kneipen openmakt. Wat so`n Kneip utmakt, dat hett ok all Peter Alexander in sien Lied „Die kleine Kneipe in unserer Straße“ besungen. Flipperautomaten, Diskfootballspölen – well nich proten wull, kunn ok spölen. Un denn wer dor ja noch de Musikbox för de Stimmung.